

Hawaan Kiisii Koo Keessa



Hawaa Nebulaawaa



Grażyna Stasińska
Buufata Qorannoo Hawaa
Paaris



Nebulaa Oriyoonii (Balbala'a Arbi-gaadduu)

Nebulaa samii keessaa isa baay'ee ifuu fi ijaan argamuu danda'uu dha.

2


Halkan urjiilee daawwanneerra. Yeroo samiin dukkanaa'u waan baay'ee adda bahanii mul'atan fakkatu!

Kun garuu abjuu dha. Gidduun urjiilee duwwaa miti, garuu suudowwan xixiqqoo ta'an kanneen akka atoomotaa fi moliikiyulotaa hedduutu jiru. Meetir kiyuubii tokko keessa, miliyoonotaa fi akkasumas biliyoonotatu jiru. Suudowwan xixiqqoon kun urjiilee gidduutti wal sassaabuun duumessa uumu-ykn nebulaawwan.

Duumessi kun baay'ee dimimmisoo waan ta'aniif, muraasa isaanii qofatu ijaan mul'ata.

Garuu teleskooppiiwwan gurguddoo lafarrattii fi ispeesii gargaaramuun, qorattootni hawaa baay'ina qabiyyee hawaa nebulaawaa arguu fi suurawwan babbareedoo nebulaawwan kanaa maxxansuun argannoowwan isaanii qooduu danda'u.

3



Kutaa nebulaa M16, « Utubaawwan Uumamaa » jedhamee waamama. Innis, keessa duumessa gaasotaa urjiilee gidduu fi dhukkee kanneen fakkaatan, iddoo urjiilee haaraan itti uumamanii dha.

4

Bakka Uumama Urjiilee

Urjiileen kan barabaraan jiraatan miti: akkuma dhala namaa, gara addunyaatti dhufu, jireenya isaanii keessatti suuta suuta jijjiiramaa deemuudhaan dhumarratti du'u. Akkaataa adeemsi isaa hanga har'aatti guutummaan guutuutti qoratamee bira hin ga'amiiniin, duumessa guddaa urjiilee gidduutti uumu. Adeemsi kun humna harkisaa, kan maateriin keessa urjiileetti akka rukkina olaanaarra gahu godhu, of keessatti hammata.

Urjiileen haala kanan uumamanis baay'ee ho'aa waan ta'aniif, Atomoota dummeessa naannoo isaanii marsanii jiran irra elektiroonota gad-lakkisiisuun, 'Nebulaa Ayoona'ee' kan akka 'Nebulaa Arbi-gaadduu' uumu.


5

Hambaawwan Suupparnoovaa

Yeroon jireenya Urjilee Hanga isaanitin murta'aa. Urjiin hangi isaa guddaa, jireenyi isaa dhohiinsa guddaan xumurama.

Qorattooni hawaa taatee kana «suupparnoovaa» jedhanii waamu. Sababni isaas jiraachuu urjii haaraa samii keessaa bakka urjiin kamiyyuu kanaan dura itti hin argamne ta'uu raggaasisaa turan jedhanii yaadu. Amma faallaa kanaa kan ta'e, suupparnoovaan urjii du'aa jiru, elementoota jireenya isaa keessatti oomishu ispeesii gidduu urjiileetti kan gadi lakkisu ta'uu isaa beekna.

Hambaan suupparnoovaa, haftee maaterii nebulaawaa dhohiinsa boodaa ti.



Nebulaa Kiraabi (Jirma Balbal'a). Kunis hambaa suupparnoovaa kan dhohiinsi isaa bara 1054 keessa qorattoota hawaa Chaayinaan galmaa'ee dha.

Nebulaa Pilaanetawaa

Urjiileen hangii isaanii kan aduu waliin walfakkataa ta'an suuta suut du'aa deemu.

Hammamtaan dabalaa deemuun, baqqaana alaa isaanii gadi dhiisaa deemuun hambaa urjiilee haadhoon ifanii, nebulaa pilaanetawaa jedhamuun kan beekamu uumu.

Jechi nebulaa pilaanetawaa jedhamu bara 1785 nama Wiliyaam Herischel jedhamuun nebulaawan kana ibsuuf moggaafame. Sababni isaas, teleskooppii isaa keessatti pilaanetoota waan fakkaataniif. Boodarra 'nebulaa urjiilee' jedhee moggaasuu dhiisuu isaaf ni gaabbe.



Heeliksawa Pilaaneetawaa Nebula (Mar-geengoo plaanetawaa balbala'a). Gosa nebulaa pilaanetawaa beekaman baay'ee dhihoo keessaa isa tokko dha. Ifti inni gadi lakkisu lafa gahuuf waggoota 700 itti fudhata (Ifni aduurraa ka'ee lafa dhaqqabuuf daqiiqaa 8 qofa itti fudhata).

Gaalaaksota

Gaalaaksotni gurmii urjiilee, kan urjiilee biliyoonota dhibbaatamaan lakkaa'aman of keessaa qabuu dha. Muraasni isaanii, warri boca ispaayiraalii ykn boca sirnaawaa hin qabne, akkasumas gaasota hedduu of keessaa qabu. Gaalaaksotni akkasiikun amma illee urjiilee ni uumu, akkasumas urjiilee hedduu «umriin xiqqaa», waggoota miliyona muraasa ta'an of keessaa qabu.

Gaalaaksotni biroon, warri boca ellipsii qaban, tasumaa urjiilee uumuu hin danda'an. Urjiileen isaanii hunduu dulloomoo dha. Muraasni isaanii waggaa miliyoona kuma kudhanii olii dha.

Dur, gaalaaksotni 'nebulaa' jedhamanii waamamu. Sababni urjiilee isaan irraa uumamuun isaanii hin beekamu ture.



Gaalaaksii Ispaayiraalii M101 (Gaalaaksii Mar-gundo M101).

Gaalaaksiin kun Milkiweyii waliin wal fakkaata. Irree isaa keessatti, urjiilee haaraatu uumama.

Kitaaba qorataan hawaa Faransaay, Charles Meesiyer bara 1781 maxxanse keessatti, nebulaa urjii maleessa, kan baay'ee aguugamee fi guddaa bareedaa jedhamee ibsameera.



Neebula Horsiheedi (Balbala'a Boquu-Fardaa)
Dhukkee, gaasota waliin wal makan irraa kan uumamee dha.

Duumessa Dhukkee Urjiilee gidduu

Suurawwan nebulaawwanii fi gaalaaksotaa keessatti, zooniwwan dukkanaa'oon yeroo tokko tokko ni mul'atu. Qabiyyee dhukkeewwan urjiilee gidduun uumamu.


Dhukkeewwan kunniin, suudowwan xixiqqoo jajjaboo kaarbonii ykn silkanii ijaan hin mul'anne (maayikirooskooppiin malee) yammuu ta'an, annisaa ifaa urjiilee cinasaanii jiran irraa fudhatu.

Akka qabbana'aa deemaniin, ifa ija namaan hin argamne, garuu teleskooppii infiraarediin adda bahuu danda'u gadi lakkisu.



Nebulaawwan
gosa kanaa ni
beektuu?

Battallee




M17, nebulaa bakka
itti urjiileen
uumaman.



Supparnoovaa
SN 1987A.




NGC 2207 fi IC
2163, wal dhahiinsa
gaalaaksota ispaay-
iraalii lama gidduu.



Nebulaa
pilaanetawaa IC
418, 'Nebulaa
Ispaayiroogiraaf
'jedhamu.



Deebiin fuula-
qophee irra jira!



Yuunikoornii:kuta
a nebulaa sadee
dhukkee urjiilee
gidduun
haguugamee dha.

Hawaan Kiisii Koo Keessaa Lakk. 1

Barruu gabaabaan kun bara 2013 Giraazinaa Istaasiniskaa, nama Buufata Qorannoo Hawaa Paaris (Faransaay) irraan, barreeffamee booda immoo Istaan Kurtiziin, nama Astiroonoomii Raadiyoo Dhaabbata UNAM, Moreeliyaa (Meksiikoo) keessa jiruun, irra deebiin katabame. Barruun kunis mana barumsaa daa'imman Choroonii (Yeneezuweellaa) fi maatii isaaniif ooleera/kenameera.

Fuulli jalqabaa, nebulaa pilaanetawaa ija adurree agarsiisuu dha. Suurawwan barruu kanarraa teleskooppii guddaa ESO fi teleskooppii Ispeesii Habiliin gargaaramuun fudhataman. Dhaabbilee NASA, STScI fi ESA'n deggaramanii ti.



Waa'ee dhimma kanaa fi mata dureewwan barruu kana keessatti dhiyaatanii gadi fageenyaan beekuuf, marsariitii kana daawwadhaa!
<http://www.tuimp.org>

Hiikkaa: Tolu Biresaa, Jifaar Raayyaa,
Biqilaa Tashoomee

TUIMP Creative Commons

